

神天永緝然于純嘏風翔府上清太平宮翊  
聖係德真君可特加翊聖應感儲慶保德真  
君

翊聖保德傳卷下

廬山太平興國宮採訪真君事實序 陸四  
夢當時使者之語以謂後五百年福及生靈  
以曆考之自開元辛未距今行及五百年矣  
元宗皇帝建祠以事而使者之名顯國朝累  
聖宗奉神宗皇帝虔進聖號徽宗皇帝加上  
寶冊而使者之位益重祀典益崇禮意益至  
殊祥異貺影從響答其在斯歟義問來九江  
適太守大卿胡公紡以清靜理郡政民神協  
從甲戌春舉行舊典以義問攝祀事于太平  
興國宮禮畢因觀山川之勝穹隆磅礴層見  
疊出不可名狀是宜高真之所慎擇也官之  
道士有向師尚者清修自持且有心於闡宗  
立教以使者應化之迹泯泯未傳求義問編  
次義問不敢以鄙陋辭謹列于左方紹興二  
十四年中元左朝奉郎通判江州軍州事兼  
管内勸農營田事賜緋魚袋葉某謹序

廬山太平興國宮採訪真君事實卷之一  
分真初始類

考原

謹按

太上三天正法經云九天真王與元始天王  
俱生始炁之先天炁未明鬱結未澄混沌太  
虛浩瀚流冥七千餘劫元景始分九炁摩存  
相去九萬九千九百九十歲有重君法開時  
既有一炁相去九萬九千九百九十歲  
未有一歲月九炁  
九天真王元始天王稟自然之炁故稱九天  
之號九天司命者萬物受生之真宰也九天  
丈人者亦真景德之宗師也九天使者監御  
萬靈之貴神巡察三界賞善罰惡之總司也  
又九天鳳炁元丘太真書云太上丈人下授  
五嶽君却禍除殃其中曰九天真王者伏千  
神使衆靈又南唐降現真圖記稱使者真君  
有五號一曰九天真王二曰朱陵上帝三曰  
火鍊真人四曰南上真君五曰九天採訪使  
者  
上帝錫之七暎平華九德偃月金晨玉冠九